



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1624. usque ad annum 1627

Fleury, Claude

August. Vind. [u.a.], 1778

VD18 90118863

§. 62. Continuati Gallorum progressus in Rhætia.

[urn:nbn:de:hbz:466:1-67369](https://nbn-resolving.org/urn:nbn:de:hbz:466:1-67369)

Sæc. XVII.

A. C. 1625.

§. LXII.

Continuati Gallorum progressus in Rhetia.

Interim Urbanus VIII. Pontifex Maximus nil intentatum relinquebat, ut Ferrer. con- tin. tom. II. cap. I. pag. 464. Lotich. rer. Germ. p. 430. servato Valtelinæ ditionis sequestro bellum Gallos inter & Hispanos præver- Theatr. Eu- rop. p. 881. teret. Hanc in rem præter Spadam Sedis Apostolicæ Nuntium rursus Bernardino Navium in Franciam ablegabat, ut de Cuvrii Marescalli irruptione apud Ludovicum Regem quere- retur, & Hispaniæ Regis copiis liberum impetraret transitum. Verum hæc Pontificis postulata dextere eludi credebantur vaga filialis obsequii contestatione, oblatisque nuptiis inter Thadæum Barberinum Papæ Nepotem, & locupletissimam juxta ac nobilissimam filiam ex Gallica Riviorum stirpe oriundam. Attamen Urbanus hisce lenociniis minime captus, postulatis suis immote infitit, simulque, ut Venetis ditionem Ecclesiasticam invadentibus obsisteret, validum contrahere exercitum statuit, selectis ad hanc expeditionem Belliducibus præfato Thadæo, Friderico Savellio & Principe Columna. Hoc tamen apparatu bellico Cuvrius adeo non terrebatur, ut etiam insuperhabita

M 3

hye-

Sæc. XVII. hyemis asperitate Wurmium & Clave-
 A. C. 1625. nam, quas urbes Pontificii milites tue-
 bantur, Mense Januario qua vi qua de-
 ditione occuparet. Sistebat tamen ra-
 pidum hujus Victoris cursum Riva urbs,
 quam ab Hispanis & Pontificiis stre-
 nue propugnatam Cuvrius quidem cin-
 xerat, cum ingenti tamen suorum cla-
 de obsidionem solvere coactus est.

Hucusque Franciæ Rex Hugono-
 tarum seditione præpeditus, palam Hi-
 spano Regi bellum denuntiare non au-
 debat, unde Valtelinæ expugnationem
 eo obtentu, quod Madritensis transactio-
 nis executionem urgeret, honestare ni-
 tebatur, simul tamen Hispanos per la-
 tus ferire satagebat, unacum Sabauda
 Duce Genuensibus bellum inferens, ut
 negato per Italiam transitu & Hispano
 milite in expeditionem Genuensem di-
 fracto Philippus IV. Rex Monarchiam
 suam novis accessionibus augere præ-
 pediretur, minusque bello Valtelino
 valiturus esset. Primis Gallorum au-
 sibus secunda adspirabat fortuna; Le-
 diguerius enim unacum Sabauda oc-
 cupatis pluribus oppidis, cæsisque Hi-
 spanis, qui auxiliatum accurrerant,
 jamjam Genuensi urbi imminebat: Ver-
 rum mutata fortunæ fide Genuenses
 exiguo temporis spatio cunctas antea
 sibi ereptas urbes recuperarunt; om-
 nes

nes enim Italix Principes, exceptis **Sæc. XVII.**
 Venetis, in opem Genuensium conspi- **A. C. 1625.**
 rabant, ipse quoque summus Pontifex,
 Imperator, & Hispanix Rex validum
 terra marique subsidium eisdem contra
 Gallos & Sabaudos submisere: Insuper
 ad Gallicæ infelicitatis cumulum ac-
 cessit perniciofa inter Sabaudix Ducem
 & Lediguerium Connestabilem æmula-
 tio, indeque orta dissensio, qua cog-
 nita Genuenses adventantis subsidii fa-
 ma excitati hostem strenue ubique ag-
 grediuntur, moxque omnis Riva rebel-
 lat, Govium Præfecti auro corrupti
 perfidia deditur, milesque Sabaudus
 militare stipendium nequiter distractum
 indignatus dilabatur, nullumque aliud
 Gallis ex hac expeditione emolument-
 tum accessit, nisi quod Verrucam ur-
 bem fugato Feriacensi Duce, qui eam
 obsederat, servaverint. Sinister hic
 armorum successus Hispanorum animos
 in Rhetia erexerat; quippe Papenhei-
 mius Comes Germanis, Hispanisque
 suppetiis auctus, Venetos ex omnibus
 suis stationibus expulit, eisque septem
 tormenta, navesque quatuor eripuit,
 absdubio Gallos, ceterosque Foedera-
 tos ex Valtelina, Wormio & Clavenna
 ejecturus, nisi Cuvrius exeunte Mense
 Decembri facta pacis spe armorum pro-
 gressum stitisset, Rhetis proponens,
 M 4 quod

Sæc. XVII. quod Valtelina solis Catholicis relicta,
A. C. 1625. Calvinistæ inde recederent.

§. LXIII.

Breda a Marchione Spinola capta.

*Siege de
Breda Her-
man. Hug.
pag. 160.
Gramond.
Hist. Gall.
lib. 14.
Lotich. ver.
Germ. l. 14.
cap. 5.*

Jamjam obsidio Bredanæ urbis quar-
tum Mensẽm tenuit, cum Spinola
immissõ in urbem tubicine deditiõnem
fieri postulasset; compertum enim ha-
bebat, quod præsiãariis nil nisi panis
salque suppeteret: nihilominus Urbis
Gubernator Justinus Nassovius Gallici,
Anglique subsidii fiducia tumidus re-
gessit, nimis præmaturum esse hoc pe-
titum, expectandum potius Mensẽm
Junium anni sequentis. Opportune an-
tem Spinola Henrici Arausionensis Prin-
cipis literas interceptat, in quibus hic
Justino significabat: „quod sibi sat com-
pertum haberet, obsessis annonam
sensim deficere, quocirca mature cum
hoste pacisci studeret, ne intempti-
va urbem tuendi pertinacia occasio-
nem, tempusque perderet, & tan-
dem deditiõnem sibi & Ordinibus Fæ-
deratis ignominiosam facere cogere-
tur: acceptis igitur hisce literis media
nocte tot ignes in alta turri accede-
ret, quot diebus adhuc annona pro-
visus esset.„ Has literas Spinola per
eundem nuntium, qui auro corruptus,
eas